



CREATE

E-Buletin

Teknologi untuk Masyarakat

Info Sekitar Kampus



UMPSA jalin kerjasama dengan MACEE bagi program Fulbright Malaysia

14 August 2023

PUTRAJAYA, 10 Ogos 2023 - Universiti Malaysia Pahang Al-Sultan Abdullah (UMPSA) jalin kerjasama dengan Suruhanjaya Pertukaran Pendidikan Malaysia-Amerika (MACEE) dalam usaha mengukuhkan persefahaman dan menggalakkan pertukaran pendidikan antara kedua-dua negara.

MACEE telah memainkan peranan penting dalam melaksana dan menyelaras pelbagai projek pendidikan tinggi terutamanya pertukaran pelajar antara kedua-dua negara di bawah program Fulbright Malaysia.

Selain peluang mengikuti pengajian di universiti tersohor, program ini turut memberi manfaat dalam menimba pelbagai pengalaman baharu melibatkan program kebudayaan, jaringan kepakaran dan jalinan strategik.

Dalam majlis itu, Naib Canselor UMPSA, Profesor Dato' Ts. Dr. Yuserrie Zainuddin bertukar dokumen memorandum persefahaman (MoU) dengan Pengarah Eksekutif MACEE, Curtis Johnson.



Hadir menyaksikan acara pertukaran dokumen, Ketua Setiausaha Kementerian Pendidikan Tinggi, Dato' Seri Abdul Razak Jaafar dan Pegawai Diplomasi Awam, Kedutaan Amerika Syarikat ke Malaysia, Nurit Einik.

Menurut Profesor Dato' Ts. Dr. Yuserrie, UMPSA akan terus meneroka peluang kerjasama bagi menjayakan hasrat murni kedua-dua negara dalam usaha mengukuhkan kesefahaman dan meningkatkan bilangan pertukaran pelajar setiap tahun mendatang demi kemajuan serta pembangunan masyarakat.

“Program *Fulbright* ini bakal mewujudkan peluang pendidikan sekali gus memberi manfaat kepada pelajar dan ahli akademik antara Malaysia dan Amerika Syarikat.

“Kerjasama ini juga akan memperkukuh hubungan dan pertukaran pendidikan dan budaya di antara kedua-dua buah negara,” katanya.



Turut bertukar dokumen MoU termasuklah Universiti Malaya (UM), Universiti Malaysia Sarawak (UNIMAS), Universiti Tunku Abdul Rahman (UTAR) dan Universiti Teknologi Petronas (UTP).

Lain-lain Universiti Kuala Lumpur (UniKL), Universiti Multimedia, Universiti UCSI, Universiti Nilai, Universiti Antarabangsa INTI dan Kolej Universiti Southern.

Disediakan oleh: Mimi Rabita Haji Abdul Wahit, Pusat Komunikasi Korporat

TAGS / KEYWORDS

[UMPSA jalin kerjasama dengan MACEE bagi program Fulbright Malaysia](#)

Sidang Editorial **CREATE** E-Buletin

Teknologi untuk Masyarakat

PENAUNG

Profesor Dato' Ts. Dr. Yuserrie Zainuddin

KETUA EDITOR

Mimi Rabita Abdul Wahit

EDITOR

Safriza Haji Baharuddin

WARTAWAN/PENULIS

Nor Salwana Mohammad Idris
Nur Hartini Mohd Hatta
Hafizatulazlin Abdul Aziz

PENTADBIR WEB

Mohd Suhaimi Hassan

PEREKA GRAFIK

Noor Azhar Abd Rasid

JURUFOTO

Khairu Aidilnisha Rizan Jalil
Zaffaruddin Hamzah

Sidang Editorial berhak melakukan penyuntingan terhadap tulisan yang diterima untuk penyiaran selagi tidak mengubah isi tulisan. Karya yang disiarkan tidak semestinya menggambarkan atau mencerminkan pendapat dan sikap buletin Create. Karya yang disiarkan tidak boleh diterbitkan semula tanpa kebenaran oleh Ketua Editor. Segala sumbangan yang dikirimkan sama ada disiarkan atau tidak, tidak akan dikembalikan. Sumbangan karya boleh dihantar melalui e-mel kepada Pusat Komunikasi Korporat (PKK), Jabatan Canseleri di:

EDITOR

Pusat Komunikasi Korporat
Jabatan Canseleri
Universiti Malaysia Pahang Al-Sultan Abdullah
26600 Pekan, Kuantan
Tel : 09-431 5000
E-mel : pro@ump.edu.my

